

)(2^r

Den Edlen vnnd Ehreueften,
 Michael Ludwigen/ vnnd Ferdinandt von Freyberg,
 Gebrüdern / zû Jüftingen vnnd Oepffingen/ ꝛc. Mei=
 nen Großgünftigen Junckherren.
 EDle / Ehrnuefte / günstige Junckherrē /
 E. E. fein meine vntherthenige/ befliffene willige
 Dienfte zûuor / Ehreuefte liebe Junckherren.
 Der hochberümpfte / Gottfelige Vatter Augu=
 ftinus/ zeigt in feinen Büchern von der Chrif=
 tlichen lere / vnd in den außlegungē der Pfalmen/
 die er der H. Chriftenlichen Kirchen zû fonderem
 Dienft vnd Lehre außgegeben/ vnd hinder jhme
 verlaffen/ an/ dz die vnwillenheit oder vnuerftandt in dem erkantnis der
 Eigenfchafft vnd natur der Gefchöpfte oder Creaturen Gottes des All=
 mechtigen/ nicht eine geringe/ fondern fürtreffliche groffe vrfach feie/ daß
 man vil Sprüche vnd reden in H. Göttlichen Schrifte nicht berechnen/
 noch was fie im grunde für vnd mitbringen/ eigentlich erörtern vnd auß=
 finnen könne/ welche fonft/ vermittels der einleuchtendē gnaden Gottes/
 vil verftändiger vnd leichterer fallen vnd ſcheinen würden/ weiß man ſich
 auff die Thier/ Fiſch/ Vögel vnd Kreuter / fo hin vnd wider in der Bibel
 gleichnuß oder anderer weiße eingeführt vnd angezogen werden / verftün=
 de / vnnd was jhrer aller/ oder eines yederen fondere eigentliche Natur in
 ſich falset/ zûbegreifen wülte/
 Denn Exempels weiße / So einer weiß / das die Schlang der art vnd
 natur ift/ daß ſie jhres kopffs zûuerfchonen/ den gantzen leib dar vnd für=
 wirffet/ fo man jhr zû oder nachſchlegt/ fo kan er den Spruch: Seit klüg
 wie die Schlangen / vil eigentlicher vnd beffer richten/ daß man nemlich
 ehe den gantzen leib ſol wagen vnd vbergeben/ deñ man ſich von Chriſto/
 dem einigen Heubt/ abziehen/ vnd dem leibe zûgüt/ das häubt wolte in die
 ſchantz ſchlagen. Jtem/ das von der Schlangen gefaget wirt/ daß ſie jhre
 alte haut jârlich zwifchen zweien engen ſteinen abtröffe/ vnd ſich alfo ge=
 gen dem frifchen ſchönen Glentzen erjüngere/ Warumb meinen wir/ das
 Gott der HERR dieſem Thier folche natur ein vnd angepflanzet ha=
 be? denn daß wir auch an jhme ein fürgefetzte augenfcheinliche gleichnis
 haben möchten? Wie wir durch die enge Pfort zûm leben eindringē/ als
 Chriſtus lehret / vnd den alten menſchen mit feinen böfen tücken vnd wer=
 cken/ nach Pauli vnerricht / hin vnd ablegen ſollen.

)(ij Von der=

)(2^v

Vorrede.

Von den Hirfchen schreiben die Natur erkündiger/ daß/ wenn sie vber ein breites wasser rinnen oder schwimmen wollen/ thun sie das in einer solchen feinen ordnung/ das die sterckesten vorne anziehen / als heerführer/ denen folgen darauff die andern vmbher hindennach / vnd helt ye einer feinen kopff auff deß vorderen schlegeln/ so aber dem erste feine kopff fincken vnd züfchwer werden wil / weil er keine auffenthaltung oder leine für jhm hatt / zeucht er zü rucke / leffet da feinen kopff ein weile auff deß hintersten rucken rühen/ vnd treibt die nachhüt zügleich mit forte/ also kommen sie feine hinüber/ setzen nicht von einander abe/ sondern es hilfft ye einer de andern in der fart. Was sollē wir aber hiebey/ zü vnserer lehre/ auffaffen vnd anders abnemen/ dann wie vns der H. Apofstel ermanet: Einer tra= ge des andern laft/ so werden jhr das gefetz Chrifti erfüllē? Auff gemelten brauch der hirfchen hat villeicht auch der Könige Salomo deutē wollen/ da er schreibet: Dein weib sol lieblich gegen dir fein/ wie ein Hinde/ vnd holdtfeilig wie ein Rehe / laffe dich jhre liebe allezeit fettigen/ vnd ergetze dich allwege in jrer liebe/ daß nichts beweret die freuntfchafft so wol/ als das ein freunt deß andern bürde tregt/ Prouerb. 5.

Da der H. Dauid flehet im Pfalmen: Wie der Hirfch schreiet nach frischem wasser/ also schreiet meine seele/ Gott zu dir/ ꝛc. Kan einer solches gebet vil hertzlicher nachsprechē/ vnd wie er den Verß andern vñ jme selbs zür lehre/ deutē solle/ abneñen/ so er sich auff d3 gefchrey des Hirfchen verftehet/ vnd wanne oder warumb er des wassers so begirig feie/ recht erkennet: Denn so dem Hirfchen feine haar zü lang / vnd das gehörn züfchwer werden wil / zeucht er die Schlangen auß jhren löchern herfür/ vnd frisset dieselbigen/ dauon geschwilt jhme der bauch hoch auff/ vnd wirt vber die maffen durftig/ fucht derhalben den nechsten fluß/ vnd da er sich wol fatt getruncken/ vndeuwet er das gifft wider von sich/ vnd wirt in deme/ beide/ enthäret vnd enthöinet. Also müssen wir jm auch thun/ daß / wenn wir den biß der alte Schlangen/ vñ der fündigen fünden ftich empfindē/ vnd dauon gerne loß vnd ledig fein wolten/ sollen wir zum Brunnen der Gnaden eilen/ vnd dafelbs heil vñ erquickung für vnserer verwundte verfmachte seele fuchen.

Da der HERR Chriftus spricht / man sol die Perlen nicht für die Seuwe werffen/ auff das sie dieselbigen nicht zertretten mit jhren füßen/ Matthei am 7. Kan man solchen Spruch richtiger außlegen / wenn einer weiß/ das die Perlen von den Meerfchalen auß dem schönen himel thauw empfangen werdē / vnd der Sauw eigenfchafft ift/ nur auff jhren bauch forgen/ vnd sich jhm koot waltzen/ auch nach der schwemme. Darumb so bedeuten die Perlen die himmlische gaben des erkantnis Gottes vnd Chri=

)(3^r

Vorrede.

vnnnd Chriffti/ die fol man nicht für die Seuw werffen/ das ift/ daß mans den fleifchlichen/ Jridifchen Menfchen nicht all zûuiel/ one vnderfcheyd/ fôlle fürhalten/ noch fagt mit denen vom Reich Gottes difputieren oder zancken / die mehr für den Bauch forgen/ denn daß fie fich dere ding fagt annehmen/ die jhrer Seelen heil belangen/ ja Gotte wol fein Reich zûlaf= fen begeren / wenn er fie fich nur jimmerdar im wûlt difer Welt lieffe wal= tzen vnd vmbkehren.

Warumb meineftu / daß der H. Geift feine gegenwertigkeit in der ge= ftalt einer Tauben habe wôllen fürbilden vnd darftellen? Matth. am 7. Warumb fpricht Chrifftus/ wir follē einfaltig fein wie die Tauben? Mat= thei am 10. Warumb ließ Noah eben eine Taube auß der Archa / die jm einen Oelzweig zûbrachte? Gene. 8. Denn daß wir auß der eigenfchafft vnd natur difes jridifchen Vogels/ der gerne in der hôte wonet/ viel jun= gen bringet/ hat keine Galle/ lebt nicht von todten dingen/ aber von fchô= nem Getreidt / ift froñ vnd treuwe an feinem Ehegemahel / vñ lieben ein= ander / ꝛc. Sollen abnehmen vnd lernen des H. Geiftes art vnd wirkung / der in der hôte von Gott dem Vatter empfangen wirt / ermanet die gleu= bigen zûr Chrifftlichen einfalt / bringt jhnen den Oelzweig des Göttlichen friedens / zeucht fie von allen gällifchen neid vnnnd halfz abe / treibt fie zûr Brüderlichen liebe/ lehret/ fie follē fich für den todten wercken hüten/ vñ fpeifet fie mit dem Weitzten kôrnlein des Himmelfichen Manna.

Es ift gewißlich nicht one vrfach im Pfalm gefaget von dem H. Geift:

Deine Jugendt wirt erneuert werden/ als des Adlers / Pfalmo 102.

Denn er hat vns etwas geiftliches / ja eine aufferftehung hiedurch anzei= gen vnnnd vorbilden wôllen/ auff welche wir vns doch nicht genûgſam laf= fen/ noch difen Spruch rechtſchaffen außgründen mögen/ fo wir nicht er= kennen/ wie es doch mit der erneuerung des Adlers zûgange / vnnnd wôl= cher maſſen das geiftlicher weiße an vns vollfüret vñ war werden müffe/ das vns der Adler mit feiner vorbildung in einer jrrdifchen gleichnis für= tret / Deñ es wirt ja die jugendt des Adlers verneuert / aber nicht das er vnfterblich feie/ eine gleichnis/ fpricht ich / wirt allhie gegeben/ fo viel def= fen hat fein mögē / von einem fterbliche dinge / einer maſſen anzûzeigen d3 vnfterbliche / nicht aber augenfcheinlich darzûftellen. Man faget/ fo der Adler zû hohem alter kômē/ vnd mit lanwirigen jaren befchweret werde/ fo könne er/ von der vngefchickligkeit wegen des wachfenden zûnehmenden fchnabels / nicht mehr effen: Denn der obere theil feines fchnabels krûm= me fich vber den vnderen herab / vnd wachſe alfo jmer vnmâffiger weiße/ ye lenger ye mer/ das er vor dem felbigen langen gewechß das gefreß nicht kan auffthûn / damit er etwas zwifchen dem vnderen theil des fchnabels

)(iij vnnnd

)(3^v

Vorrede.

vnnd der obern krümme herab könne einbringen/ dann wo nicht ettwas weite dazwischen/ fo habe der biß nich gleichsam eine schere / damit er ab= zwacken möge/ das in schlund komme/ folches thut dem Adler die elte/ Er wirt beschweret durch vnuermöglichkeyt deß alters/ wölches an ihm selber nicht ein geringer laft ift / vnnd darzu gantz krafftloß/ mangel halben der speiße / da dann die beide zufammen kömen/ das vnmaßere alter/ vnd das er groffen mangel leidet / derhalben sagt man / das er ettwas natürlicher weiße nach/ in maßen die jugend gleichsam wider züerneuern/ an einen harten scharffen felsen stolze / schlage also seine obern langen lefftzen oder schnabel/ durch wölchen/ nach deme er zu sehr gewachsen/ der zugang der speiße verchlossen worden/ abe / vnnd werde also nach deme er sich an dem felsen geriben/ enthaben deß lafts des vorigen schnabels/ durch wölchen die speiße verhindert ward / mache sich jetzund wider auff das effen / werde folcher gefalt alles an ihm neuwe / vnd er nach dem alter gleichsam ein junger hurtiger Adler / alle glider erfrischen sich wider / werd also wider= umb läbhafft auff ein neues/ der flaum wirt ihm schön vnd glantzend/ die federn starck vnd regierende / er fliege in die höhe als zuuor/ vñ es geschicht an ihm eine Aufferstehung / Denn dazu ist die Gleichnuß im Pfalmen fůrgeselt/ Wie auch von dem Mond/ wölcher deñ gemindert/ vnd einer massen vndernommen/ denn wider herfürer kompt/ vnd voll wirt / zeiget vns also die Aufferstehung an/ vnnd bleibt aber derfelbig nicht voll/ sondern nimbt wider abe / daß er vns vilgemälte Aufferstehung alle zeit an= zeige: Also helt sich nun auch das/ fo vom Adler gefaget ist / wölcher denn nicht zur vnsterblichkeit erneuert wirt/ als wir aber sollen zum ewigen leben verjüngt werden/ aber doch ist die Gleichnus daher genommen/ daß durch den felsen von vns hinweg geriffen werdē sol/ das vns hindert/ Darffst derhalbe deine vnuermöglige krafft nicht ansehen/ der felse feliß nimmet dir das alter abe / Der feliß aber ist Christus/ in Christo nun wirt deine jugendt/ als des Adlers erneuert werden/ deñ wir feind ja/ leider/ Gott erbarme es / veraltet vndter vnfern feinden/ wöllen vnns aber nicht am sterblichen/ zeitlichen vernügen/ Der HERR sol vns ettwas ewiges geben/ er soll vns seine weißheit geben/ sein Wort/ das Gott ist/ ja sich felbs mit seinem Sone im Heiligen Geiste soll er vnns geben. Der alte Adam hat den mundt vnser Seelen mit einem langen schnabel verchlossen/ der muß an dem felsen Christo abgestümmelt werden/ damit wir das Brot effen mögen / das von ihm felbs spricht: Ich bin das lebendige Brot/ das vom Himmel kommen.

Souil feind vngefärllich der wort des Heiligen lieben Vatters Augu= nun an obberürten örtern/ wölche ich vndter meiner täglichen Übung in
Heiliger

)(4^r

Vorrede.

Heiliger Göttlicher Schrift nicht allein gewiß vnnd warhafftig erfunden/ da ich oft an einem Spruch ftutzen / vnd ein güttes Sela dabey halten müffen/ weil ich mich auff die eigenschafft dere ding / fo gleichnis oder auff ein andere weise ein vnnd angezogen werden/ nicht verftünde/ fondern bin auch dardurch verurfachet vnnd bewegt worden/ des furtrefflichen/ namhafften Römifchen Philofophi vnnd Hiftorict/ Caij Plinij Secundi/ Bücher vnd Schrifften von der Natur / Art vnd eigenschafft der Creaturen oder Gefchöpfte Gottes/ nach verbrachtem Bibliſchem läfen bey nachts auff ein ftunde oder zwo für die handt zúnemmen / vnnd darauß zú meinem fonderen vnd eignen Bericht/ fouil zufammen fallen vnnd vertolmetſchen/ als mir zúr Lehr vnnd erinnerung genúßfam fein möchte / Darzú ich mich denn auch der herrlichen/ vber alle maffen nutz=barlichen Bücher / Doctor Gefners gebrauchet/ vnd was ich darinnen/ das zú erleuterung der dunckelen vnuerftändigen wort Plinij ettwas dienen kóndte/ gefunden/ gleichfam kleinen Concordantz Glóßlen / ein jedes an feinen ort gattierẽ/ was mir auch darneben in der Heiligẽ Schrifte vnd den alten Lehrern von den Thieren Exempels oder auff ein andere weise fürkommen/ alles vndter feine gewiße locos oder ftallen verzeichnen vnd einzihen wóllen. Aber das erfte Büch Plinij von den menſchen habe ich mehrtheils bey H. Eppendorffij vertolmetſchung bleiben laffen/ allein das ichs mit dẽ Originale latinifchen exemplar hin vnd wider verglichẽ/ dem felbigen ettwas gleichfórmiger zúmachen mich vnternommen habe. Solch werck (das ich wol meine Nocturnas elucubrationes nennen möchte) hat der Ehrenhafft fúrneme Sigmund Feyerabendt jme neben andern laffen gefallen / vñ bey mir / daß er daffelbige durch dẽ Truck/ dem Gemeinen Teutſchen Lãfer zú nutz vñ fonderm wollgefallen/ möchte auß bringen/ erfúcht / ja fo hart vnd viel angehalten/ daß ichs jhme nich lenger abfchlagen/ noch jn feiner bitte habe vngeweret kónnen laffen hingehn. Euch aber E. E. Großgúnftige Junckerherren / habe ich meine vermelte arbeit dedicieren/ vnd vndter E. E. Herrliches Namens auctoritet vnd Patrocination an tag vñ herfür bringen wóllen vnd fóllen / Ertlich darumb/ das mir fehr wol bewúßt/ das E. E. zu der erkúndigung der Creaturen oder Gemácht Gottes einen fonderen groffen luft haben / auch derhalbẽ gerne allerley Bücher láfen vnd durchfúchen. Demnach vnd zúm anderen/ daß ich mich mit der Oblation dieſes Wercks ettlicher maffen begere bekandtlich vnnd danckbar für E. E. vielfáltige gútthaten / mir vnwürdigen biß daher bewiefen / zúerzeigen vnd darzúftelle. zúm dritten vñ leſten/ dz ich tróftlicher güter hoffnung bin E. E. follẽ auch hiedurch / zú deme/ was ſie vorhin thún/ noch mehr gereitzet/ vnnd ſich weiter in den

)(iij Gefchöpfen

)(4^v

Vorrede.

Gefchöpfen Gottes deß Allmächtigen vmbzûfehen / bewegt werden.
 Vñ so sich der aller weifest Salomo nicht dauren noch abfchreckē lassen /
 aller Thiere Naturen zûerforchen / auch ettliche Bûcher dauon zûfchrei=
 ben / die doch (leider) nimmer vorhanden / sollen wir folchem Exempel bil=
 lich nachfolgen / vnd den HERREN in feinen Creatures erkennen ler=
 nen. Wie denn auch der alte berühmte Lehrer Basilius gethan/ der viel
 Thier auff fleißigelt beschriben / vnd sich damit in dem erkantnis der
 Allmächtigen krafft vnd weißheit Gottes üben vnd vmbfehen wöllen.
 Nach jhme ftünd hernach Ambrosius auff / der die Hiltorien von denfel=
 ben Thieren fast von wort zû wort auß dem Griechischē ins Latin vberge=
 fetzet / in feinem Bûchlein von den wercke der sechß tage/ welches er Hera=
 meron nennet / vnd lehret darinn/ daß vns in den Thieren von Gott fein
 viler herrlicher tugende Bildtnis abgemalet / welche einen yegklichen fei=
 nes ampts erriñeren vnd vermanen sollen. Epiphanius/ der alte Bischoff
 zû Cypro/ hat auch ein Bûchlein beschriebē von der thier naturen/ das er
 Phisiologum nennet / vnd erkläret darinn / nicht allein der Thier sondere
 art vnd eigenschafft/ sonderen gibt auch mit hinzû gütten nutzbarlichen
 bericht / was man auß der anschauung vnd betrachtung jhrer anerbor=
 nen naturen vnd weise zûr lehr vnd Gottesforcht abnehmen vnd auff=
 fallen sölle vnd möge. Wil hiemit E. E. der erfchienenen gnaden vnfers
 HERREN vnd Heilandts Jesu Christi befehlen / mit bitte vnd flehen
 lichem anhalten E. E. wöllen an diser meiner arbeit vnd vnderthänigē
 erzeigung ein gûntiges gefallen tragen / vnd sie für den vnnützen
 Tadelern schützen vnd verteidigen helffen/ Datum Franck=
 furt am Mayn / den 11. Monung im 1565. Jar.

E. E.

Vnderthäniger
güthwilliger/Johannes Heyden
von Dhaun.